



No Limits Diving  
Brogårdsvej 18  
DK-2820 Gentofte  
+45 25 67 82 53  
[www.nolimitsdiving.dk](http://www.nolimitsdiving.dk)  
[info@nolimitsdiving.tele.dk](mailto:info@nolimitsdiving.tele.dk)

# Avammut saqqummiusaaq

## "Hans Hedtoft" pillugu ilisimasassarsiorluni angalaneq

- Qallunaat Nunaanni umiisimasuni oqallisaanerpaap oqaluttuassartaa misissuiffigineqalerpoq!

**Oqaluttuarisaanermi pingaarutilittut ujaasineq Qallunaat Nunaanni suli nalisineqanngitsoq, qallunaat aqqartartuisa suliffeqarfiup No Limits Diving aasaanerani 2004-mi Kalaallit Nunaaliarlutik umiarniku "Hans Hedtoft" ujarnialerpaat. Ilisimasassarsiorluni angalaneq Thomas de Richelieumit siulersorneqassaaq pilersaarusiamilu suleqataassapput atuakkiortoq Jan Schmidt aammalu uuttortaanikkut umiarsuarmik ingerlatitsisartoq Claude Enoch.**

Januaarip 30-anni 1959-imi umiarsuaq Kalaallit Nunaanneersoq "Hans Hedtoft" Nunap Isuata eqqaani umiiuvoq. Taamanernit umiisusooq ilaasullu 95-it tamarmik ajunaartut pillugit kingorna tutsaqartoqaranilu takusassaasoqanngilaq. Pisimasooq alianartoq umiarnernerup kingorna annertuumik avataanit paasiniaarusuttunik soqutigineqaraluarpoq, "Hans Hedtoft"-ip angalaqqaarnermini umiarnera alianartoq pillugu. Kisianni maannamut suli suliniuteqarlutik oqaluttuarisaanikkut paasiuminaatsup nassuiarnisaanut aallartitsisoqarsimanngilaq.

Maannamut ukiut 45-t qaangiussimalerput No Limits Divingillu tamanna paasiuminaatsoq "Hans Hedtoft"imut tunngasoq misissuiffiginialerpaat. Umiarsuup umiunerani pisimasooq eqqortoq paasinianeqarluni saqqummiunneqassaaq, pisimasup oqaluttuassartaata aanngaannartineqannginnerani.

Ilisimasassarsiorluni angalanerup iliusissaa siulleq tassaassaaq umiisimasup "Hans Hedtoft"ip sumiiffittut nalunaarsimasaa kingulleq sumiissusersiniassallugu. Umiarsuaq umiarneq sumiissusersineqarpat pimoorullugu iternga tikillugu ilisimatusaatitut misissorneqassaaq, tassuunatigut paasissutissanik iluatinnartunik aqqutissiuussisinnaaqqullugu umiarnernerup suna pissutigisimaneranut.

"Hans Hedtoft"ip umiarniata eqqaa itisoorsuummat aqqartartut atorlugit misissuisinnaaneq ajornarpoq. Taamaattumik misissuinerit immap iluani pisussat inuusianik - robotinik - (ROV) ungasianit aqunneqarsinnaasunik atortulersornikkut ingerlanneqassaaq aammalu videuliuutit qaammartartorsuillu sakkortuut atortorineqassallutik. Robottit taakku videuliuutillu atorlugit Qallunaat Nunaanni oqaluttuarisaanikkut umiunerit tusaamaneqarnerfaat assilissatut siullermeersumik takusinnaalissagaluarparput.

Misissuinerit naammassippata ilisimasassarsiornerup naggatigissavaa, suliassap pingaarnersaattut, eqqaaniummik umiarnermut ikkussinissaq umiunerimi ajunaartorpassuit eqqaaniarlugit.

Ilisimasassarsiorluni angalaneq "Hans Hedtoft"ip ukiuni 45-nngortorsiornerani ingerlanneqartussaajunaarsimasut qanigisaannit akuerisanik tapersorsorluarneqarpoq. Taamaalilluni ilisimasassarsiornerup eqqaaniaasimaneq eqqaassusiisimanerluunniit innarlissanngilaa, aammalu taamaaliornerup ajunaarsimasunik ataqqinninniarnini eqqortumillu paasissutissiinissani saqqummiutissavaa.

Ilisimasassarsiorneq qanimut filmiliortunit TV2-mit malinnaaffigineqassaaq. Tamanna naammassippat kingusinnerusukkat TV2-kkut aallakaatinneqarumaarpoq. Ilisimasassarsiornermi paasissutissat uani paasinianeqarsinnaapput.

Thomas de Richelieu  
No Limits Diving  
+45 25 67 82 53  
[info@nolimitsdiving.dk](mailto:info@nolimitsdiving.dk)  
[www.nolimitsdiving.dk](http://www.nolimitsdiving.dk)